

ხოზის მუნიციპალიტეტის მეექვსე მოწვევის საკრებულოს ბიუროს სხდომისა

ქ. ხობი

2026 წლის 17 ივლისი

ბიუროს წევრთა კანონით დადგენილი რაოდენობა - 11

ბიუროს უფლებამოსილ წევრთა რაოდენობა - 11

ბიუროს სხდომას ესწრებოდნენ ბიუროს წევრები:

1. გოჩა ქაჯაია
2. მამუკა ქარდავა
3. გივი ლატარია
4. გიორგი გვასალია
5. დოდო გაბუნია
6. ბექა მამაცაშვილი
7. ლევანი ლიპარტია
8. მედეა თათარიშვილი
9. ვლადიმერ სერგია
10. აკაკი მალანია
11. მიმოზა ლემონჯავა

ბიუროს სხდომას თავმჯდომარეობდა გოჩა ქაჯაია – საკრებულოს თავმჯდომარე

დღის წესრიგი:

1. ხობის მუნიციპალიტეტის მერის დ. ბუკიას 2026 წლის 23 ივნისის N50-502617488 წერილის განხილვა („ხოზის მუნიციპალიტეტის მერისთვის მუნიციპალიტეტის საკუთრებაში არსებული უძრავი ქონების სარგებლობის უფლებით, აუქციონის წესით გადაცემაზე თანხმობის მიცემის შესახებ“ განკარგულების პროექტის თაობაზე);

(მომხსენებელი: ვ. ქანთარია - ხობის მუნიციპალიტეტის საკრებულოს
ეკონომიკისა და ქონების მართვის საკითხთა
კომისიის თავმჯდომარე);

2. ხობის მუნიციპალიტეტის მერის დ. ბუკიას 2026 წლის 15 ივლისის N50-502619628 წერილის განხილვა („ხოზის მუნიციპალიტეტის 2026 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2025 წლის 30 დეკემბრის №27 დადგენილებაში ცვლილების შეტანის თაობაზე“ დადგენილების პროექტის შესახებ);

(მომხსენებელი: ლ. ლიპარტია - ხობის მუნიციპალიტეტის საკრებულოს საფინანსო - საბიუჯეტო კომისიის თავმჯდომარე);

3. ხობის მუნიციპალიტეტის საკრებულოს ინფრასტრუქტურისა და სივრცით-ტერიტორიული დაგეგმარების კომისიის თავმჯდომარის ბ. მამაცაშვილის 2026 წლის 15 ივლისის N51-51261964 განცხადების განხილვა („სსიპ ხობის მუნიციპალიტეტის სოფელ ახალი ხიბულის საჯარო სკოლისთვის კარლო ვარდიას სახელის მინიჭებაზე თანხმობის გაცემის თაობაზე“ განკარგულების პროექტის შესახებ);

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე);

4. ხობის მუნიციპალიტეტის საკრებულოს ინფრასტრუქტურისა და სივრცით-ტერიტორიული დაგეგმარების კომისიის თავმჯდომარის ბ. მამაცაშვილის 2026 წლის 15 ივლისის N51-51261965 განცხადების განხილვა („ხობის მუნიციპალიტეტის ქვემო ქვალონის ადმინისტრაციული ერთეულის სოფელ გიმოზგონჯილის ტერიტორიაზე არსებული N3 ქუჩისთვის ოტია იოსელიანის სახელის მინიჭების მიზანშეწონილობის თაობაზე“ განკარგულების პროექტის შესახებ);

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე);

5. ხობის მუნიციპალიტეტის მერის დ. ბუკიას 2026 წლის 15 ივლისის N50-502619658 წერილის განხილვა:

- „ხობის მუნიციპალიტეტის საკრებულოს ზოგიერთი განკარგულებების ძალადაკარგულად გამოცხადების თაობაზე“ განკარგულების პროექტის შესახებ;
- „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული დამატებითი ქონების სარგებლობის უფლებით (თხოვების ფორმით) გადაცემაზე თანხმობის მიცემის შესახებ“ განკარგულების პროექტის თაობაზე;
- „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული დამატებითი ქონების სარგებლობის უფლებით (თხოვების ფორმით) გადაცემაზე თანხმობის მიცემის შესახებ“ განკარგულების პროექტის თაობაზე;

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე);

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 11, წინააღმდეგი - 0

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებული საკითხების განხილვა

1. ხობის მუნიციპალიტეტის მერის დ. ბუკიას 2026 წლის 23 ივნისის N50-502617488 წერილის განხილვა („ხობის მუნიციპალიტეტის მერისთვის მუნიციპალიტეტის საკუთრებაში არსებული უძრავი ქონების სარგებლობის უფლებით, აუქციონის წესით გადაცემაზე თანხმობის მიცემის შესახებ“ განკარგულების პროექტის თაობაზე)

(მომხსენებელი: ვ. ქანთარია - ხობის მუნიციპალიტეტის საკრებულოს
ეკონომიკისა და ქონების მართვის საკითხთა
კომისიის თავმჯდომარე)

მოისმინეს: ვ. ქანთარია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის მერისთვის მუნიციპალიტეტის საკუთრებაში არსებული უძრავი ქონების სარგებლობის უფლებით, აუქციონის წესით გადაცემაზე თანხმობის მიცემის შესახებ“ და კომისიის დასკვნა განსახილველ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნაკვეთები, რომელიც მდებარეობს ქ. ხობში, ცოტნე დადიანის ქუჩის მიმდებარედ, (ს/კ 45.21.25.682, 45.21.25.683) პარკის ტერიტორიაზე, არის დაუტვირთავი, მერიას მიზანშეწონილად მიაჩნია დაუტვირთავი 60 კვ.მ არასასოფლო-სამეურნეო დანიშნულების მიწის ნაკვეთი, იჯარა-აღნაგობის უფლებით, აუქციონის წესით გაიცეს 5 წლის ვადით. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი განკარგულების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის მერის დ. ბუკიას 2026 წლის 15 ივლისის N50-502619628 წერილის განხილვა („ხობის მუნიციპალიტეტის 2026 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2025 წლის 30 დეკემბრის №27 დადგენილებაში ცვლილების შეტანის თაობაზე“ დადგენილების პროექტის შესახებ)

(მომხსენებელი: ლ. ლიპარტია - ხობის მუნიციპალიტეტის საკრებულოს საფინანსო - საბიუჯეტო კომისიის თავმჯდომარე)

მოისმინეს: ლ. ლიპარტია - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის 2026 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2025 წლის 30 დეკემბრის №27 დადგენილებაში ცვლილების შეტანის თაობაზე“ და კომისიის დასკვნა (ოქმს თან ერთვის) და აღნიშნა, რომ წარმოდგენილი პროექტით ხობის მუნიციპალიტეტის 2026 წლის ადგილობრივ ბიუჯეტში შემოსულობები განისაზღვრა - 34079,4 ათასი ლარით. გადასახდელები განისაზღვრა - 50121,2 ათასი ლარის ოდენობით. დადგენილების პროექტით ბიუჯეტში ხორციელდება შემდეგი ცვლილებები და დამატებები: 1342,2 ათასი ლარით იზრდება ბიუჯეტის შემოსავლები, კერძოდ: 1342,2 ათასი ლარი - შემოსავალი მუხლიდან „სხვა შემოსავლები“ (მათ შორის: 600,0 ათასი ლარი - „პროცენტი“, 742,2 ათასი ლარი - „ჯარიმები, სანქციები და საურავები“); 945,1 ათასი ლარით მცირდება ხობის მუნიციპალიტეტის ადგილობრივი ბიუჯეტის ხარჯები, კერძოდ: პრიორიტეტის ინფრასტრუქტურის მშენებლობა, რეაბილიტაცია და ექსპლუატაციის ასიგნებები 378,5 ათასი ლარით, კერძოდ: 179,2 ათასი ლარით - ქვეპროგრამის „გარე განათება“ ასიგნება, მათ შორის: 179,2 ათასი ლარი - შპს „ხობი დასუფთავება და განათება“-ს სუბსიდია; 199,3 ათასი ლარით - ქვეპროგრამის „მუნიციპალიტეტის წყალმომარაგების სისტემების მართვა და ექსპლოატაცია“ ასიგნება, მათ შორის: 199,3 ათასი ლარი - შპს „ხობის მუნიციპალიტეტის წყალმომარაგება“-ს სუბსიდია. პრიორიტეტის დასუფთავება და გარემოს დაცვა ასიგნებები 566,6 ათასი ლარით, კერძოდ: 566,6 ათასი ლარით - პროგრამის „დასუფთავების ღონისძიებები“ ასიგნება, მათ შორის: 566,6 ათასი ლარი - შპს „ხობი დასუფთავება და განათება“-ს სუბსიდია. შემოსულობების ზრდით მიღებული 1342,2 ათასი ლარი და გამოთავისუფლებული 945,1 ათასი ლარი, სულ 2287,3 ათასი ლარი მიიმართება შემდეგ

ლონისძიებათა დასაფინანსებლად: პრიორიტეტის „ინფრასტრუქტურის მშენებლობა, რეაბილიტაცია და ექსპლუატაცია“ ასიგნებაზე 1609,2 ათასი ლარი. პრიორიტეტის „დასუფთავება და გარემოს დაცვა“ ასიგნებაზე 570,6 ათასი ლარი. პრიორიტეტის „განათლება“ ასიგნებაზე 66,9 ათასი ლარი. პრიორიტეტის „კულტურა, რელიგია, ახალგაზრდული და სპორტული ღონისძიებები“ ასიგნებაზე 40,6 ათასი ლარი. ხობის მუნიციპალიტეტის მერის 2026 წლის 29 მაისის №50.502614911 ბრძანებით დაფუძნდა ა(ა)იპ „ხობის მუნიციპალური სერვისების ცენტრი“, რომელიც აისახა პროგრამაში „გარემოს დაცვისა და სანიტარული მდგომარეობის გაუმჯობესება“, პროგრამული კოდი 03 02. ხობის მუნიციპალიტეტის მერის 2026 წლის 29 მაისის №50.50261497 ბრძანებით დაფუძნდა ა(ა)იპ „ხობის მუნიციპალური წყალმომარაგების ცენტრი“, რომელიც აისახა ქვეპროგრამაში „მუნიციპალიტეტის წყალმომარაგების სისტემის მოვლა-შენახვა“, პროგრამული კოდი 02 02 08. ბიუჯეტში ასევე აისახება ხობის მუნიციპალიტეტის მერის ბრძანებებით მხარჯავი დაწესებულებებისთვის ადგილობრივი ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. გამომსვლელის განცხადებით, წარმოდგენილი დადგენილების პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ შენიშვნები მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი დადგენილების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე -11, წინააღმდეგი – არც ერთი

დაადგინეს: წარმოდგენილი დადგენილების პროექტი შეტანილ იქნეს საკრებულოს სხდომის დღის წესრიგში

3. ხობის მუნიციპალიტეტის საკრებულოს ინფრასტრუქტურისა და სივრცით-ტერიტორიული დაგეგმარების კომისიის თავმჯდომარის ბ. მამაცაშვილის 2026 წლის 15 ივლისის N51-51261964 განცხადების განხილვა („სსიპ ხობის მუნიციპალიტეტის სოფელ ახალი ხიბულის საჯარო სკოლისთვის კარლო ვარდიას სახელის მინიჭებაზე თანხმობის გაცემის თაობაზე“ განკარგულების პროექტის შესახებ)

(მომხსენებელი: ბ. მამაცაშვილი - ხობის მუნიციპალიტეტის საკრებულოს

მოისმინეს: ბ. მამაცაშვილი - მომხსენებელმა ბიუროს წევრებს გააცნო განკარგულების პროექტი „სსიპ ხობის მუნიციპალიტეტის სოფელ ახალი ხიბულის საჯარო სკოლისთვის კარლო ვარდიას სახელის მინიჭებაზე თანხმობის გაცემის თაობაზე“ და კომისიის დასკვნა წარმოდგენილ პროექტთან დაკავშირებით (ოქმს თან ერთვის) და აღნიშნა, რომ სსიპ ხობის მუნიციპალიტეტის სოფელ ახალი ხიბულის საჯარო სკოლის დირექტორის მიერ საკრებულოში წარმოდგენილ იქნა სამეურვეო საბჭოს სხდომის ოქმი, სადაც განხილულია საინიციატივო ჯგუფის ინიციატივა სსიპ ხობის მუნიციპალიტეტის სოფელ ახალი ხიბულის საჯარო სკოლისთვის ყოფილი დირექტორის კარლო ვარდიას სახელის მინიჭების შესახებ. კ. ვარდია 30 წლის განმავლობაში წარმატებით ხელმძღვანელობდა ახალი ხიბულის საშუალო სკოლას, მის სახელს უკავშირდება სკოლის აღმშენებლობა და არაერთი წარმატება. მინიჭებული აქვს ხობის საპატიო მოქალაქის წოდება. „საჯარო სკოლისათვის სახელის მინიჭების წესის დამტკიცების შესახებ“ საქართველოს განათლებისა და მეცნიერების მინისტრის 2007 წლის 16 მარტის N194 ბრძანების თანახმად, სამეურვეო საბჭოს გადაწყვეტილება განხილულ იქნა კომისიის მიერ და მომზადდა განკარგულების პროექტი: „სსიპ ხობის მუნიციპალიტეტის სოფელ ახალი ხიბულის საჯარო სკოლისთვის კარლო ვარდიას სახელის მინიჭებაზე თანხმობის გაცემის თაობაზე“. საბოლოო გადაწყვეტილების მიღების მიზნით სახელდებასთან დაკავშირებული ინიციატივა, სამეურვეო საბჭოს მიერ წარედგინება საქართველოს განათლების, მეცნიერებისა და ახალგაზრდობის სამინისტროს. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ შენიშვნები მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი განკარგულების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

4. ხობის მუნიციპალიტეტის საკრებულოს ინფრასტრუქტურისა და სივრცით-ტერიტორიული დაგეგმარების კომისიის თავმჯდომარის ბ. მამაცაშვილის 2026 წლის 15 ივლისის N51-51261965 განცხადების განხილვა („ხობის მუნიციპალიტეტის ქვემო ქვალონის ადმინისტრაციული ერთეულის სოფელ გიმოზგონჯილის ტერიტორიაზე არსებული N3 ქუჩისთვის ოტია იოსელიანის სახელის მინიჭების მიზანშეწონილობის თაობაზე“ განკარგულების პროექტის შესახებ)

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე)

მოისმინეს: ბ. მამაცაშვილი - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის ქვემო ქვალონის ადმინისტრაციული ერთეულის სოფელ გიმოზგონჯილის ტერიტორიაზე არსებული N3 ქუჩისთვის ოტია იოსელიანის სახელის მინიჭების მიზანშეწონილობის თაობაზე“ და კომისიის დასკვნა წარმოდგენილ პროექტთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის მიერ წარმოდგენილ იქნა ქვემო ქვალონის ადმინისტრაციულ ერთეულში არსებული ქუჩების სახელდების შესახებ წინადადება, რომლებიც საკრებულოს კომისიის მიერ გატანილ იქნა საჯარო განხილვაზე, გამოკითხულთა უმრავლესობის მიერ მხარდაჭერილ იქნა წარმოდგენილი წინადადება სახელდების შესახებ. რაც შეეხება სოფელ გიმოზგონჯილში N3 ქუჩას, წარმოდგენილ იქნა წინადადება ქართველი მწერლის ოტია იოსელიანის სახელის მინიჭების თაობაზე, გამომდინარე იქედან, რომ ო. იოსელიანის გარდაცვალებიდან არ არის გასული 20 წელი, მწერალი გარდაიცვალა 2011 წელს, კომისიის მხრიდან მომზადდა განკარგულების პროექტი „ხობის მუნიციპალიტეტის ქვემო ქვალონის ადმინისტრაციული ერთეულის სოფელ გიმოზგონჯილის ტერიტორიაზე არსებული N3 ქუჩისთვის ოტია იოსელიანის სახელის მინიჭების მიზანშეწონილობის თაობაზე“. წარმოდგენილი განკარგულების პროექტის მიღების შემდეგ საკითხი შესაბამის დოკუმენტაციასთან ერთად საბოლოო გადაწყვეტილებისთვის გადაიგზავნება გეოგრაფიული ობიექტების სახელწოდებათა დადგენის, ნორმალიზების, გამოყენების, აღრცხვისა და დაცვის მიზნით, გეოგრაფიული ობიექტების სახელწოდებათა სფეროში მოქმედ სამთავრობო კომისიაში. გამომსვლელის განცხადებით, წარმოდგენილი განკარგულების პროექტი მომზადებულია საქართველოს კანონმდებლობის მოთხოვნების დაცვით.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ შენიშვნები მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი განკარგულების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

6. ხობის მუნიციპალიტეტის მერის დ. ბუკიას 2026 წლის 15 ივლისის N50-502619658 წერილის განხილვა:

- „ხობის მუნიციპალიტეტის საკრებულოს ზოგიერთი განკარგულებების ძალადაკარგულად გამოცხადების თაობაზე“ განკარგულების პროექტის შესახებ;
- „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული დამატებითი ქონების სარგებლობის უფლებით (თხოვების ფორმით) გადაცემაზე თანხმობის მიცემის შესახებ“ განკარგულების პროექტის თაობაზე;
- „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული დამატებითი ქონების სარგებლობის უფლებით (თხოვების ფორმით) გადაცემაზე თანხმობის მიცემის შესახებ“ განკარგულების პროექტის თაობაზე

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე)

მოისმინეს: ბ. მამაცაშვილი - მომხსენებელმა ბიუროს წევრებს გააცნო განკარგულების პროექტები „ხობის მუნიციპალიტეტის საკრებულოს ზოგიერთი განკარგულებების ძალადაკარგულად გამოცხადების თაობაზე“, „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული დამატებითი ქონების სარგებლობის უფლებით (თხოვების ფორმით) გადაცემაზე თანხმობის მიცემის შესახებ“, „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული დამატებითი ქონების სარგებლობის უფლებით (თხოვების ფორმით) გადაცემაზე თანხმობის მიცემის შესახებ“ და კომისიის საერთო დასკვნა წარმოდგენილ პროექტებთან დაკავშირებით (მასალები ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, საკრებულოს თანხმობის საფუძველზე დაწყებულია ორი კერძო სამართლის იურიდიული პირის: შპს „ხობი დასუფთავება და განათება“ და შპს „ხობის

მუნიციპალიტეტის წყალმომარაგება“-ს ლიკვიდაციის პროცესი. მუნიციპალიტეტის გამართული ფუნქციონირებისა და მოსახლეობისთვის შესაბამისი სერვისების შეუფერხებლად მიწოდების მიზნით, დაფუძნდა ახალი სუბიექტები არასამეწარმეო (არაკომერციული) იურიდიული პირის სამართლებრივი ფორმით, გამომდინარე იქედან, რომ შპს-ებს თავიანთი ფუნქცია-მოვალეობების შესასრულებლად, ხოლის მუნიციპალიტეტის საკრებულოს შესაბამისი განკარგულებებით, გადაცემული ჰქონდათ დამატებითი მუნიციპალური ქონება, ლიკვიდაციის პროცესის ფარგლებში აუცილებელია ამ სამართლებრივი აქტების ძალადაკარგულად გამოცხადება. შესაბამისად, მომზადდა საკრებულოს განკარგულების პროექტი, „ხოლის მუნიციპალიტეტის საკრებულოს ზოგიერთი განკარგულების ძალადაკარგულად გამოცხადების შესახებ“ რომელიც ითვალისწინებს იმ განკარგულებების ძალადაკარგულად გამოცხადებას, რომლებითაც ხორციელდებოდა ქონების სარგებლობაში გადაცემა და ასევე მომზადდა განკარგულების ორი პროექტი: „ხოლის მუნიციპალიტეტის მერისთვის ხოლის მუნიციპალიტეტის საკუთრებაში არსებული დამატებითი ქონების სარგებლობის უფლებით (თხოვნების ფორმით) გადაცემაზე თანხმობის მიცემის შესახებ“ რომლითაც ხოლის მუნიციპალიტეტის მერს ეძლევა უფლებამოსილება მუნიციპალიტეტის საკუთრებაში არსებული დამატებითი ქონების ახალი აიპიებისთვის გადაცემაზე. გამომსვლელის განცხადებით, წარმოდგენილი განკარგულების პროექტები აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტის მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ შენიშვნები მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი განკარგულების პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე -11, წინააღმდეგი – არც ერთი

დაადგინეს: წარმოდგენილი განკარგულების პროექტები შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე



გოჩა ქაჯაია